



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiae S. Thomæ Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romæ, 1619**

Vtrum hoc sacramentum imprimat characterem? 3

**urn:nbn:de:hbz:466:1-38817**

huius sacramenti, vt dictum est \*. Et ideo hoc sacramentum ex sua forma habet efficaciam ( quantum est de se) ad sanationem corporalem. \* q. prae. ar. 8. et 9

ARTIC. III.

*Virum hoc sacramentum characterem imprimat?* 122

**A**d tertium sic proceditur. Videtur, quod hoc sacramentum characterem imprimat. Character enim est signum distinctiuum. Sed sicut baptizatus distinguitur a non baptizato, ita vnctus a non vncto. Ergo sicut Baptismus imprimit characterem, ita & extrema vnctio.

¶ 2 Præterea, In ordinis & confirmationis sacramentis est vnctio, sicut & in hoc sacramento. Sed in illis imprimitur character. Ergo & in isto.

¶ 3 Præterea, In omni sacramento est aliquid quod est res tantum, & aliquid quod est sacramentum tantum, & aliquid quod est res & sacramentum. Sed non potest aliquid assignari in hoc sacramento, quod sit res & sacramentum, nisi character. Ergo & in hoc sacramento imprimetur character.

SED contra, Nullum sacramentum imprimens characterem iteratur. Hoc autem iteratur, vt dicitur ¶. Ergo non imprimit characterem. q. 33. a. 1

¶ Præterea, Distinctio, quæ fit secundum characterem sacramentalem, est distinctio eorum, qui sunt in præsentia Ecclesie. Sed extrema vnctio confertur ei qui exit de præsentia Ecclesie. Ergo in eo non imprimetur character.

RESPONDEO dicendum, \* quod character non imprimitur nisi in illis sacramentis, quibus homo ad aliquid sacrum deputatur. Hoc autem sacramentum est solum in remedium, & non deputatur per ipsum homo ad aliquid sacrum agendum vel suscipiendum. Et ideo non imprimitur in eo character. Thom. 4. d. 4. q. 1. a. 4. q. 2. corp. et 3. p. 9. 63. ar. 1. et 6

Ad primum ergo dicendum, quod character facit distinctionem statuum, quantum ad ea quæ in Ecclesia sunt agenda: & talem distinctionem homo non habet ab alijs per hoc, quod ipse est inunctus.

R 4 Ad

Ad secundum dicendum, quòd vnctio, quæ fit in ordine & confirmatione, est vnctio consecrationis, qua homo deputatur ad aliquid sacrum: sed hæc vnctio est vnctio medicationis. Et ideo non est simile.

Ad tertium dicendum, quòd in hoc sacramento res & sacramentum non est character, sed quædam interior deuotio, quæ est spiritualis vnctio.

## QVÆST. XXXI.

† Concil. Irid. ses. 14 de sacram. ex-  
tr. m. vnctio-  
nis, c. 3.

De ministro † huius sacramenti, in tres articulos diuisa.

**D** Einde considerandum est de administratione huius sacramenti.

¶ Circa quod quæruntur tria.

¶ Primo, vtrum laicus possit hoc sacramentum conferre?

¶ Secundo, vtrum Diaconus?

¶ Tertio, vtrum solus Episcopus?

## ARTIC. I.

123

Tho. vbi  
supra, q.  
2. a. 1. q. 1  
& seq.  
\* lai. 5.

Vtrum laicus possit hoc sacramentum conferre?

**A**D primum sic proceditur. Videtur, quòd etiam laicus possit hoc sacramentum conferre. Quia hoc sacramentum habet efficaciam ex oratione, ut Iacobus \* dicit. Sed oratio laici quandoque est in Deo accepta sicut sacerdotis. Ergo potest hoc sacramentum conferre.

¶ 2 Præterea, De quibusdam patribus in Aegypto legitur, quòd oleum ad infirmos transmittēbant, & sanabantur. Et similiter dicitur de beata Genouefa, quòd oleo infirmos vngebat. Ergo hoc sacramentum potest conferri etiam à laicis.

SED contra est, quod in hoc sacramento fit remissio peccatorum. Sed laici non habent potestatem dimittendi peccata. Ergo, &c.

RESPONDEO dicendum, quòd secundum Dionysium Eccles. Hier. \* sunt quidam exercentes actiones hierarchicas, & quidam recipientes tantum, qui sunt laici. Et ideo nullius sacramenti dispensatio laicis ex officio competit \*. Sed quòd baptizare possunt in casu

6i. 5. non  
procul à  
prin.  
\* 3. p. 9.  
67. ar. 3.  
4. & 5.